



新板

東垣十書

蘭室秘藏

十六

五六

中武9
199
16



門中武
籍 133
16



蘭室秘藏卷之五

元 鎮州 東垣李 杲明之 撰

明 吳郡 立齋薛 巳新甫 校

小便淋閉門

小便淋閉論

難經云病有關有格關則不得小便又云關無出之
曲皆邪熱為病也分在氣在血而治之以渴與不渴
而辨之如渴而小便不利者是熱在上焦肺之分故
渴而小便不利也夫小便者是足太陽膀胱經所主



也長生於申申者西方金也肺合生水若肺中有熱不能生水是絕其水之源經云虛則補其母宜清肺而滋其化源也故當從肺之分助其秋令水自生焉又如雨如露如霜皆從天而降下也乃陽中之陰明秋氣自天而降下也且藥有氣之薄者乃陽中之陰是感秋清肅殺之氣而生可以補肺之不足淡味滲泄之藥是也茯苓澤瀉琥珀燈心通草車前子木通瞿麥扁蓄之類以清肺之氣泄其火資水之上源也如不渴而小便不通者熱在下焦血分故不渴而大

燥小便不通也熱閉於下焦者腎也膀胱也乃陰中之陰陰受熱邪閉塞其流易上老云寒在胸中遏絕不入熱在下焦填塞不便須用感北方寒水之化氣味俱陰之藥以除其熱泄其閉塞內經云無陽則陰無以生無陰則陽無以化若服淡滲之藥其性乃陽中之陰非純陽之劑陽無以化何能補重陰之不足也須用感地之水運而生太苦之味感天之寒藥而生大寒之氣此氣味俱陰乃陰中之陰也大寒之氣人稟之生膀胱寒水之運人感之生腎此藥能補腎

東垣十書 卷五 二
與膀胱受陽中之陽熱火之邪而閉其下焦使小便不通也。夫用大苦寒之藥治法當寒因熱用又云必伏其所主而先其所因其始則氣同其終則氣異也。通關丸 一名滋腎丸

治不渴而小便閉熱在下焦血分也

黃蘗

去皮剉酒洗焙

知母

剉酒洗焙乾已上各一兩

肉桂

五分

右為細末熟水為丸如梧桐子大每服一百丸空心白湯下頓兩足令藥易下行故也如小便利前陰中如刀刺痛當有惡物下為驗。

清肺飲子

治渴而小便閉澀不利邪熱在上焦氣分

燈心 一分

通草 二分

澤瀉

瞿麥

琥珀

已上各五分

扁蓄

木通

已上各七分

車前子

炒一錢

茯苓

去皮一錢

猪苓

去皮一錢

右為麤末每服五錢水一盞半煎至一盞稍熱食遠服或局方八正散五苓散亦宜服之。導氣除燥湯

治小便閉塞不通乃血澀至氣不通而竅澀也

茯苓去皮

滑石

炒黃已上各二錢

知母

細剉酒洗

澤瀉

已上各三錢

黃蘗

去皮酒洗四錢

右咬咀每服五錢水三盞煎至一盞去粗稍熱空

心服

○如急閉不拘時服

腎疸湯

治腎疸目黃甚至渾身黃小便赤澀

羌活

防風

藁本

獨活

柴胡

升麻

已上各五錢

已上治腎疸目黃渾身黃

白茯苓

澤瀉

猪苓

四分

白朮

蒼朮

已上治小便赤澀

黃蘗

人參

葛根

神麴

甘草

右剉如大豆大分作二服水三盞煎至一盞去粗稍熱食前服

痔漏門

痔漏論

內經曰。因而飽食。筋脉橫解。腸滯爲痔。夫大腸庚也。主津。本性燥。清肅殺之氣。本位。主收其所司。行津。以從足陽明。旺則生。花萬物者也。足陽明爲中州之土。若陽衰。亦殞殺萬物。故曰萬物生於土。而歸於土者。是也。以手陽明大腸司其化焉。既在西方。本位爲之。害蜚司殺之府。因飽食。行房。忍泄。前陰之氣歸於大腸。木乘火勢。而侮燥金。故火就燥也。大便必閉。其疾

甚者。當以苦寒。瀉火。以辛溫。和血潤燥。疎風。止痛。是其治也。以秦艽。當歸。梢。和血潤燥。以桃仁。潤血。以皂角仁。除風燥。以地榆。破血。以枳實之苦寒。補腎。以下泄胃實。以澤瀉。瀉之。淡滲。使氣歸於前陰。以補清燥。受胃之濕邪也。白朮之苦甘。以苦補燥氣之不足。其甘味。以瀉火而益元氣也。故曰甘寒瀉火。乃假枳實之寒也。古人用藥。爲下焦。如瀆。又曰在下者。引而竭之。多爲大便秘澀。以大黄。推去之。其津血益不足。以當歸。和血。及油潤之劑。大便自然。輒利矣。宜作劉湯。以

與之是下焦有熱以急治之之法也以地榆惡人而壞胃故宿食消盡空心作丸服之

秦艽白朮丸

治痔疾并痔漏有膿血大便燥硬而作疼痛不可忍

秦艽 去毒

桃仁 湯浸去皮尖

皂角 燒存性已上各一兩

當歸梢 酒浸

澤瀉

枳實 麩炒黃

白朮 已上各五錢

地榆 三錢

右為細末和桃仁泥研勻煎熟湯打麩糊為丸如

雞頭仁大令藥光滑焙乾每服五七十丸白湯下空心服少時以美膳壓之忌生冷硬物冷水冷菜之類并濕麩酒及辣辛熱大料物之類犯之則藥無驗也

秦艽蒼朮湯

治痔疾若破謂之痔漏大便秘澀必作大痛此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣而合故大

腸頭成塊者濕也。作大痛者風也。若大便燥結者，主病兼受火邪熱結不通也。去此四者，其西方肺主諸氣，其體收下，亦助病為邪。須當破氣藥兼之，治法全矣。以剉湯與之，其効如神。

秦艽 去芦

桃仁 湯浸去皮另研

皂角仁 燒存性另研各一錢

蒼朮 製

防風 已上各七分

黃蘗 去皮酒洗五分

當歸梢 酒洗

澤瀉 已上各三分

梭身檳榔 一分另研

大黃 少許雖大便過澀亦不可多用

右除檳榔、桃仁、皂角仁三味外，餘藥咬咀如麻豆

大都作一服，水三盞煎至一盞，二分去粗，入檳榔等三味末，再上火煎至一盞，空心熱服，待少時以美饌壓之，不犯胃氣也。服藥日忌生冷硬物及酒濕麵大料物乾薑之類，犯之則其藥無効。如有白膿，加白葵花頭五朵，去萼心，青皮半錢，不丟白，入正藥中同煎。木香二分為細末，同檳榔等三味，依前煎服。餌古人治此疾，多以歲月除之，此藥一服則愈。

七聖丸

治大腸疼痛不可忍。叔和云積氣生於脾臟，傍大腸疼痛陣難當，漸交稍瀉，三焦火莫謾多方立紀綱。

羌活 二兩

郁李仁

湯浸去皮另研二兩五錢

大黃

八錢煨

檳榔

桂

去皮

木香

川芎

已上各五錢

右除郁李仁別研入外，共為細末，煉蜜為丸，如梧桐子大，每服三五十丸，白湯下，食前取大便微利，一服而愈。切禁不得多利，大便其痛滋甚。

秦艽防風湯

治痔漏每日大便時發疼痛，如無疼痛者非痔漏也。此藥主之。

秦艽

防風

當歸身

白朮

已上各一錢五分

炙甘草

澤瀉

已上各六分

黃蘗

五分

大黃

煨

橘皮

已上各三分

柴胡

升麻

已上各二分

桃仁

三十箇

紅花

少許

右剉如麻豆大，都作一服水二盞煎至一盞，去粗。

東垣十書

卷五

八

稍熱空心服之避風寒忌房事酒濕麩大辛熱物
秦艽羌活湯

治痔漏成塊下垂不任其癢

羌活 一錢二分

秦艽

黃芪 已上各一錢

防風 七分

升麻

炙甘草

麻黃

柴胡 已上各五分

藁本 三分

細辛 少許

紅花 少許

右剉如麻豆大都作一服水二盞煎至一盞去粗
空心服之忌風寒處大小便

當歸郁李仁湯

治痔漏大便硬努出大腸頭下血苦痛不能忍

郁李仁

皂角仁 已上各一錢

枳實 七分

秦艽

麻仁

當歸梢

生地黄

蒼朮 已上各五分

大黃 煨

澤瀉 已上各三分

右剉如麻豆大除皂角仁別爲末水三盞煎至一
盞去粗入皂角仁末調空心食前服之忌如前

紅花桃仁湯

治痔漏經年因而飽食筋脉橫解腸澀為痔治法
當補北方瀉中央

黃蘗 一錢五分

生地黃 一錢

澤瀉 八分

蒼朮 六分

當歸梢

漢防已

防風梢

猪苓 已上各五分

麻黃 二分

紅花 半分

桃仁 十箇

當歸梢

右剉如麻豆大。水三盞煎至一盞。去粗。稍熱食前服之。忌如前。

秦艽當歸湯

治痔漏大便結燥疼痛

大黃 煨四錢

秦艽

枳實 已上各一錢

澤瀉

當歸梢

皂角仁

白朮 已上各五分

紅花 一錢

桃仁 二十箇

右都作一服。水三盞煎至一盞。去粗。食前熱服。忌如前。

陰痿陰汗門

陰痿陰汗及臊臭論

一富者前陰臊臭。又因連日飲酒。腹中不和。求先師

治之曰。夫前陰者足厥陰肝之脉絡循陰器出其挺
 未凡臭者心之所主散入五方為五臭入肝為臊此
 其一也當於肝經中瀉行間是治其本後於心經中
 瀉少衝乃治其標如惡針當用藥除之酒者氣味俱
 陽能生裏之濕熱是風濕熱合於下焦為邪故經云
 下焦如瀆又云在下者引而竭之酒是濕熱之水亦
 宜決前陰以去之

龍膽瀉肝湯

治陰部時復熱痒及臊臭

柴胡梢

澤瀉已上各一錢

車前子

木通

已上各五分

生地黄

當歸梢

草龍膽

已上各三分

右剉如麻豆大都作一服水三盞煎至一盞去粗
 空心稍熱服便以美饍壓之此藥柴胡入肝為引
 用澤瀉車前子木通淡滲之味利小便亦除臊氣
 是名在下者引而竭之生地黄草龍膽之苦寒瀉
 酒濕熱更兼車前子之類以撤肝中邪氣肝主血
 用當歸以滋肝中血不足也

清震湯

治小便溺黃臊臭淋瀝兩丸如冰陰汗浸多

羌活

酒黃蘗

已上各一錢

升麻

柴胡

蒼朮

黃芩

已上各五分

澤瀉

麻黃根

猪苓

防風

已上各三分

炙甘草

當歸身

藁本

已上各二分

紅花

一分

右剉如麻豆大都作一服水二盞煎至一盞去粗
臨臥服大忌酒濕麵

固真湯

一名正元湯

治兩丸冷前陰痿弱陰汗如水小便後有餘滴尻
臀并前陰冷惡寒而喜熱膝下亦冷

升麻

羌活

柴胡

已上各一錢

炙甘草

草龍膽

澤瀉

已上各一錢五分

黃蘗

知母

已上各二錢

右剉如麻豆大分作二服水二盞煎至一盞去粗
空心稍熱服以早飯壓之

清魂湯

一名柴胡勝濕湯

治兩外腎冷兩髀陰汗前陰痿陰囊濕痒臊氣

柴胡 生甘草 酒黃蘗 已上各二錢

升麻 澤瀉 已上各一錢五分 當歸梢

羌活 麻黃根 漢防已

草龍膽 茯苓 已上各一錢 紅花 少許

五味子 二箇

右剉如麻豆大分作二服水二盞煎至一盞去粗

食前稍熱服忌酒濕麪房事

椒粉散

治前陰兩丸濕痒痛秋冬甚夏月減

肉桂 二分 小椒 當歸梢

猪苓 已上各三分 蛇床子 黑狗脊 已上各五分

麻黃根 一錢 輕粉 少許 紅花 少許

斑猫 二枚

右為末乾糝上避風寒冷濕處坐臥

補肝湯

治前陰水冷并陰汗兩脚痿弱無力

黃芪 七分 炙甘草 五分 升麻

藥性論

卷五 蘭室秘藏

七

猪苓

已上各四分

白茯苓

葛根

人參

已上各三分

柴胡

羌活

陳皮

連翹

當歸身

黃藥

炒

澤瀉

蒼朮

麴末

知母

防風

已上各二分

右剉如麻豆，大都作二服，水二大盞煎至一盞，去粗，空心稍熱服，忌酒濕麵。

温腎湯

治面色痿黃，身黃，脚痿弱無力，陰汗。

柴胡

麻黃根

已上各六分

白茯苓

白朮

酒黃蘗

猪苓

升麻

已上各一錢

蒼朮

防風

已上各一錢五分

澤瀉

二錢

右分作二服，每服水二大盞，煎至一盞，去粗，食前稍熱服，一時辰許，方食。

延胡丁香丸

一名丁香疝氣丸

治臍下撮急疼痛，并周身皆急痛，小便頻數，及五脉急，獨腎脉按之不急，皆虛無力，名曰腎疝。

東垣十書 卷五 蘭室秘藏 古

羌活 三錢

當歸

茴香 已上各二錢

延胡索

麻黃根節

肉桂 已上各一錢

丁香

木香

甘草

川烏頭

已上各五分

防已

三分

蠍 十三箇

右為細末酒煮麩糊為丸如雞頭大每服五十丸空心鹽白湯服。

瀉痢門

訶子皮散

癸卯冬白樞判家一老僕面塵脫色神氣特弱病

脫肛日久服藥未驗復下赤白膿痢作裏急後重白多赤少不任其苦以求其治曰此非肉食膏粱必多蔬食或飲食不節天氣雖寒衣蓋猶薄不禁而腸頭脫下者寒也真氣不禁形質不收乃血滑脫也此乃寒滑氣泄不固故形質下脫也當以瀝去其脫而除其滑微酸之味固氣上收以大熱之劑而除寒補陽以補氣之藥升陽益氣

御米殼

去帶萼蜜炒

橘皮

已上各五分

乾薑

炮六分

訶子

煨去核七分

東垣十書 卷五 蘭室秘藏

右為細末都作二服。水二盞煎至一盞和粗空心熱服。

升麻補胃湯

治宿有陽明血證因五月間大熱喫杏腸澀下血啣遠散漫如篩腰沉沉然腹中不痛血色紫黑病名濕毒腸澀屬陽明少陽經血證也

白芍藥一錢五分 升麻 羌活

黃芪已上各一錢 生地黃 熟地黃

獨活 牡丹皮 炙甘草

柴胡 防風已上各五分 當歸身

葛根已上各三分 肉桂少許

右剉如麻豆大分作二服每服水二盞煎至一盞去粗食前稍熱服

升陽去熱和血湯

治腸澀下血別作一派其血啣出有力而遠射四散如篩吞中血下行腹中大作痛乃陽明氣衝熱毒所作也當升陽去濕熱和血脈是其治也

橘皮二分 熟地黃 當歸身

東垣十書 卷五 蘭室秘藏 五

蒼朮 秦艽 肉桂已上各三分

生地黄 牡丹皮 生甘草已上各五分

升麻七分 熟甘草 黃芪已上各一錢

白芍藥一錢五分

右咬咀都作一服。水四盞煎至一盞去粗空心稍熱服立效。

益智和中湯

治腸澀下血或血色紫黑腹中痛腹皮惡寒右手關脉弦按之無力而喜熱物慰之內寒明矣

肉桂一分 桂枝四分 牡丹皮二分

柴胡四分 葛根四分 益智仁一分

半夏已上各五分 當歸身一分 炙甘草一分

黃芪已上各一錢 升麻已上各一錢 白芍藥一錢五分

乾薑少許

右為麤末都作一服。水三盞煎至一盞去粗食後溫服。

芍藥藥皮丸

治濕熱惡痢血痢頻併窘痛無間膿血並皆治之

卷五 蘭室秘藏 七

芍藥

黃蘗 已上各一兩

當歸

黃連 已上各五錢

右為末。飯為丸。如雞頭大。每服五七十丸。食前米飲湯下。忌油膩酒濕麩等物。

和中益胃湯

治太陰陽明腹痛。大便常泄。若不泄。即秘而難見。在後傳作濕熱毒下。鮮紅血。腹中微痛。脇下急縮。脈緩而洪。弦中之下。得之。按之。空虛。

蘇木 一分

藁本

益智仁 已上各二分

熟地黄

炙甘草 已上各三分 當歸身 四分

柴胡

升麻 已上各五分

右咬咀。都作一服。水二盞。煎至一盞。去粗。空心溫服。

槐花散

治腸澼下血。濕毒下血。

川芎 四分

槐花

陳皮

荆芥穗

熟地黄

白朮 已上各六分

當歸身

升麻 已上各一錢

右爲細末。每服二錢。米飲湯調下。食前忌酒濕麵
生冷硬物。

茯苓湯

治因傷冷飯水泄。一夜走十行。變作白痢。次日其
痢赤白腹中疔痛。減食熱躁。四肢沉困無力。

生黃芩 三分

當歸身 四分

肉桂

炙甘草

已上各五分

猪苓

茯苓

已上各六分

澤瀉

一錢

芍藥

一錢五分

蒼朮

生薑

升麻

柴胡

已上各二錢

右咬咀。如麻豆大。分作二服。每服水二盞。煎至一
盞。去粗。稍熱。食前服之。

黃芪補胃湯

治一日大便三四次。瀉而不多。有時便泄。腹中鳴。

小便黃

黃芪

柴胡

當歸身

益智

橘皮

已上各三分

升麻

六分

炙甘草

二錢

紅花

少許

右咬咀。都作一服。水二盞。煎至一盞。去粗。稍熱。食

本草綱目卷之五 茯苓湯 補胃湯

前服之。

升陽除濕湯。

自下而上者引而去之。

蒼朮 一錢

柴胡

羌活

防風

升麻

神麴

澤瀉

猪苓

炙甘草

陳皮

麥蘖麴

已上各三分

右都作一服水二盞煎至一盞去粗空心服之如胃寒腸鳴加益智仁半夏各五分生薑三片棗二

人參益胃湯

枚同煎非腸鳴不得用。

治頭悶勞動則微痛不喜飲食四肢怠憊躁熱短

氣口不知味腹鳴大便微澹身體昏悶覺渴不喜

冷物。

黃芪

甘草

當歸梢

益智

已上各二分

人參

黃芩

柴胡

半夏

白朮

已上各三分

陳皮

升麻

已上各五分

蒼朮

一錢五分

東垣十書

卷五

六

紅花 少許

右都作一服水二盞煎至一盞去粗稍熟食前服之

升麻補胃湯

治因內傷服牽牛大黃食藥泄瀉過多腹中大痛

甘草 七分 升麻 柴胡

草豆蔻 黃芪 已上各五分 半夏 三分

當歸身 乾薑 已上各二分 紅花 少許

右都作一服水二盞煎至一盞去粗稍熟食遠服

之 散腫潰堅湯

瘡瘍門

散腫潰堅湯

治馬刀瘡結硬如石或在耳下至缺盆中或有上或於脇下皆手足少陽經中及瘰癧遍於頰或至頰車堅而不潰在足陽明經中所出或二證瘡已破流膿水並皆治之

黃芩 八錢酒洗炒 半生用一半

瓜蒌根 剉細 酒製 黃蘗 酒製

草龍膽 酒洗各炒四遍

酒知母

東垣十書 卷五 蘭室秘藏

桔梗

昆布

已上各五錢

柴胡

四錢

炙甘草

京三稜

酒洗

廣茂

酒洗炒

連翹

已上各三錢

葛根

白芍藥

當歸梢

黃連

已上各二錢

升麻

六分

右咬咀每服六錢水二盞零八分先浸多半日煎至一盞去粗食後熱服於臥處伸足在高處頭低垂每含一口作十次嚥服畢依常安臥取藥在膈上停蓄故也別攪半料作細末煉蜜為丸如菉豆大每服百餘丸用此藥湯留一口送下或加海藻

五錢炒亦妙

升陽調經湯

治瘰癧遠頸或至頰車此皆出足陽明胃經中來若瘡深遠隱曲肉底是足少陰腎經中來乃戊脾傳於癸腎是夫傳與妻俱作塊子堅硬大小不等並皆治之或作丸亦可

升麻

八錢

葛根

草龍膽

酒製

黃芩

酒製

廣茂

酒洗炒

京三稜

酒洗炒

炙甘草

黃連

酒洗

連翹

東垣十書

卷五

三

桔梗

已上各五錢

生黃芩

四錢

當歸梢

芍藥

已上各三錢

黃蘗

酒炒二錢

知母

酒洗炒一兩

右別秤一半一作末。煉蜜為丸。如菉豆大。每服百餘丸。一半作咬咀。每服五錢。若能食。大便硬。可旋加。至七八錢。水二盞。先浸半日。煎至一盞。去粗。臨臥熱服。足高。去枕。仰臥。噲一口。作十次。嚙之。留一口。在後。送下。丸藥服畢。其臥如常。

連翹散堅湯

治耳下或至缺盆或肩。上生瘡。堅硬如石。動之無

根。名曰馬刀。從手足少陽經中來也。或生兩脇。或已流膿。作瘡未破。並皆治之。

柴胡

一兩二錢

草龍膽

酒洗四次

土瓜根

酒製已上各一兩

黃芩

酒炒三次七錢

當歸稍

生黃芩

廣茂

京三棱

同廣茂酒炒

連翹

芍藥

已上各五錢

炙甘草

三錢

黃連

酒炒二次

蒼朮

已上各二錢

右別秤一半一為細末。煉蜜為丸。如菉豆大。每服百餘丸。一半咬咀。每服五錢。水二盞。先浸多半日。煎

至一盞去粗臨臥熱服去枕仰臥每口作十次嚥
之留一口送下丸藥服畢臥如常更以後藥塗之
龍泉散

龍泉粉炒

瓦粉

廣茂

京三稜

酒洗炒

昆布

已上各五錢

右同為細末前熟水調塗之用此藥去疾尤速
救苦化堅湯

治瘰癧馬刀挾癭從耳下或耳後下頸至肩或
入缺盆中乃手足少陽之經分其瘰癧在頰下或

至頰車乃足陽明之經分受心脾之邪而作也今
將二證合而治之

黃芪 一錢

護皮毛間腠理虛及活血脈生血亦瘡家聖
藥也又能補表實元氣之弱也

人參 三分

補肺氣之藥也如氣短不調及喘者加之

炙甘草 五分

能調中和諸藥瀉火益胃氣亦能去瘡邪

真漏蘆

升麻已上各一錢

葛根五分

此三味俱足陽明本經藥也

連翹一錢

此一味十二經瘡中之藥不可無也能散諸血結氣聚此瘡家之神藥也

牡丹皮三分

去腸胃中留滯宿血

當歸身

生地黄

熟地黄已上各三分

此三味諸經中積血生血涼血藥也

白芍藥三分

如夏月倍之其味酸其氣寒能補中益肺之虛弱治腹中痛必用之冬寒則不可用

肉桂二分

大辛熱能散結積陰證瘡瘍須當少用之此寒因熱用之意又為寒陰覆蓋其瘡用大辛熱以消浮凍之氣如有煩燥者去之

柴胡八分

功同連翹如瘡不在少陽經則去之

黍粘子 三分

無腫不用

羌活 一錢

獨活

防風 已上各五分

此三味必關手足太陽證脊痛項強不可廻視腰似折項似拔者是也其防風一味辛溫若瘡在膈已上雖無手足太陽經證亦當用之為能散結去上部風邪病人身拘急者風也

昆布 二分

其味大鹹若瘡堅硬結硬者宜用鹹能軟堅

京三稜 煨二分 廣茂 煨三分

此二味若瘡堅硬甚者用之如不堅硬勿用

益智仁 二分

如唾多者胃不和也或病人吐沫吐食胃上寒者加之無則去之

大麥蘖麩 一錢

治腹中縮急兼能消食補胃

神麩末 炒黃色 二分

為食不消化故也

黃連

去鬚
三分

以治煩悶

黃蘗

炒三分

如有熱或腿脚無力加如有燥煩欲去衣者
腎中伏火也更宜加之無此證勿用

厚朴

一錢二分
薑製

如腹脹者加之無則勿用

右為細末湯浸餗餅和丸捻作餅子日乾搗如米

粒大每服三錢白湯下

如氣不順加橘皮甚者加木香少許量病人虛實
臨時斟酌與之無令藥多妨其飲食此治之大法
也

如止在陽明分為瘰癧者去柴胡黍粘子二味餘
皆用之

如在少陽分為馬刀挾瘦者去獨活漏蘆升麻葛
根更加瞿麥穗三分

如本人素氣弱其病勢來時氣盛而不短促者不

東垣十書

卷五

三

可考其平素宜作氣盛而從病變之權也宜加黃
芩黃連黃蘗知母防已之類視邪氣在上中下三
處

假令在上焦加黃芩酒洗在中焦加黃連酒洗

酒洗在下焦則加酒製黃蘗知母防已之類選

而用之

如本人大便不通而滋其邪盛者加酒製大黃以

利

如血燥而大便燥乾者加桃仁酒製大黃二味

如風結燥不行者加麻仁大黃

如風澀而大便不行加煨皂角仁大黃秦艽以利

乏

如脉澀覺身有氣澀而大便不通者加郁李仁大

黃以除氣燥也

如陰寒之病為寒結閉而大便不通以局方中半

硫丸或加煎附子乾薑冰冷與之大抵用藥之法

不惟瘡瘍一說諸疾病量人素氣弱者當去苦寒

之藥多加人參黃芪甘草之類瀉火而先補其元

氣餘皆做此

柴胡連翹湯

治男子婦人馬刀瘡

中桂 三分 當歸梢 一錢五分 黍粘子 二錢

炙甘草 酒黃蘗 生地黄 已上各三錢

柴胡 黃芩 炒 酒知母

連翹 已上各五錢 瞿麥穗 六錢

右剉如麻豆大每服五錢水一大盞煎至一盞去粗稍熟食後服之

黍粘子湯

治耳痛生瘡

昆布 蘇木 生甘草

蒲黃 草龍膽 已上各一分 黍粘子

連翹 生地黄 當歸梢

黃芩 炙甘草 黃連 已上各二分

柴胡 黃芪 已上各三分 桔梗 三錢

桃仁 三箇 紅花 少許

右剉如麻豆大都作一服水二盞煎至一盞去粗

東垣十書 卷五 三

稍熟食後服忌寒藥利大便

津液湯 一名連翹防風湯

治皮膚痒腋下瘡背上瘡耳聾耳鳴

桂枝二分 連翹 生地黄

桔梗 升麻 甘草已上各五分

當歸梢七分 麻黃 草豆蔻仁

羌活 防風 柴胡

蒼朮已上各一錢 酒黃芩二錢 紅花少許

右剉如麻豆大，都作一服，水二盞煎至一盞，去粗

食後熱服

消腫湯

治馬刀瘡

黍粘子炒 黃連已上各五分 當歸梢

甘草已上各一錢 瓜蒌根 黃芪已上各一錢五分

生黃芩 柴胡已上各二錢 連翹三錢

紅花少許

右咬咀，每服五錢，水二盞煎至一盞，去粗，稍熟食

後服忌酒濕麵

本草綱目卷之五

內托羌活散

治足太陽經中左右尺脉俱緊按之無力尻臀生癰堅硬腫痛大作

肉桂 三分

連翹

炙甘草

蒼朮

橘皮 已上各五分

當歸梢

防風

藁本 已上各一錢

黃芪 一錢五分

黃藥 酒製

羌活 已上各二錢

右咬咀都作一服水二盞酒一盞煎至一盞去粗稍熱空心服以夾衣蓋癰上使藥力行罷去蓋之

衣

升麻托裏湯

治婦人兩乳間出黑頭瘡瘡頂陷下作黑眼子其脉弦洪按之細小

黃藥 二分

肉桂 三分

黍粘子 五分

黃芪

炙甘草

當歸身 已上各一錢

連翹

升麻

葛根 已上各一錢五分

右咬咀都作一服水一大盞酒半盞同煎至一盞去粗稍熱食後服

內托黃芪湯

賈德茂小男於左大腿近膝股內出附骨癰不辯肉色漫腫皮澤木硬瘡勢甚大其左脚乃肝之髀上也更在足厥陰肝經之分少侵足大陰脾經之分其脉左二部細而弦按之洪緩微有力此藥主之

生地黄 一分 黃蘗 二分 肉桂 三分

羌活 五分 當歸梢 二分半 土瓜根 酒製

柴胡梢 已上各一錢 連翹 一錢 黃芪 二錢

右咬咀都作一服酒一盞水二盞煎至一盞去粗空心熱服。

柴胡通經湯

治小兒項側有瘡堅而不潰名曰馬刀瘡

柴胡 連翹 當歸梢

生甘草 黃芩 黍粘子

京三稜 桔梗 已上各二分 黃連 五分

紅花 少許

右劉如麻豆大都作一服水二大盞煎至一盞去

租稍熟食後服忌苦藥泄大便

白芷升麻湯

尹老家素貧寒形志皆苦於手陽明大腸經分出
癰切小有癩疔其臂外皆腫痛在陽明左右寸脉
皆短中得之俱弦按之洪緩有力此癰得自八風
之變以脉斷之邪氣在表其證大小便如故飲食
如常腹中不和口知味知不在裏也不惡風寒止熱
燥脉不浮知不在表也表裏既和邪氣在經脉之
中內經云凝於經絡為瘡癰其癰出身半已上故

風從上受之故知是八風之變為瘡者也故治其
寒邪調其經脉中血氣使無凝滯而已

炙甘草 一分

升麻

桔梗 已上各五分

白芷 七分

當歸梢

生地黄 已上各一錢

生黃芩 一錢五分

酒黃芩

連翹

黃芪 已上各二錢

中桂 少許

紅花 少許

右吹咀分作二服酒水各一大盞半同煎至一盞
去粗稍熱臨臥服一服而愈

保生救苦散

治火燒或熱油烙及脫肌肉者

生寒水石

大黃

火煨

黃蘗

油炒已上各等分

右為細末用油調塗之或乾用此藥塗之其痛立止日完復永無破傷風之患

一上散

治諸般疥癬必效

雄黃

通明手呵破者

黑狗脊

蛇床子

炒

熟硫黃

已上各五錢

寒水石

六錢

斑猫

十三箇去翅足先研碎

右別研雄黃硫黃寒水石如粉次入斑猫和蛇床

子黑狗脊為細末同研勻先洗疥癬令湯透去痴油調手中擦熱以鼻中嗅三兩次擦上可一上即愈

如痛甚及腫滿高起者加寒水石一倍

如不苦癢只加黑狗脊

如微癢只加蛇床子

如瘡中有蟲加雄黃

如喜火灸湯浴者加硫黃

聖愈湯

治諸惡瘡血出多而心煩不安不得睡眠亡血故也。以此藥王主之。

生地黄

熟地黄

川芎

人參已上各三分

當歸身

黃芪已上各五分

右咬咀如麻豆大都作二服水二大盞煎至一盞去粗稍熱無時服。

獨聖散

治湯湯破火燒破瘡毒疼痛

生白礬

右為細末芝麻油調掃瘡破處不拘時候黃芪肉桂柴胡酒煎湯

治附骨癰堅硬漫腫不辨肉色行步作痛按之大痛。

黃芪

當歸梢已上各二錢

柴胡一錢五分

黍粘子炒

連翹

肉桂已上各一錢

升麻七分

炙甘草

黃蘗已上各五分

右咬咀好糯酒一大盞半水一大盞半同煎至一大盞去粗空心溫服少時便以早飯壓之不致大

熱上攻中上二焦也

蘭室秘藏卷之五終

[Faint bleed-through text from the reverse side of the page]

蘭室秘藏卷之六

元 鎮州 東垣李 杲明之 撰

明 吳郡 立齋薛 巳新甫 技

雜病門

安神丸

治心神煩亂怔忡兀兀欲吐胸中氣亂而熱有似
懊憹之狀皆膈上血中伏火蒸蒸然不安安用權
衡法以鎮陰火之浮行以養上焦之元氣經云熱
淫所勝治以甘寒以苦瀉之以黃連之苦寒去心

煩除濕熱為君。以甘草生地黃之甘寒瀉火補氣。滋生陰血為臣。以當歸補血不足。以硃砂納浮瀆之火而安神明也。

黃連 一錢五分 酒洗 硃砂 一錢 水飛 酒生地黃

酒當歸身 炙甘草 已上各五分

右件除硃砂水飛外搗四味為細末同和勻湯浸餗餅為丸如黍米大每服十五丸津唾嚥下食後硃砂安神丸

治心煩懊懣心亂怔忡上熱胃中氣亂心下痞悶

食入反出

硃砂 四錢 黃連 五錢 生甘艸 二錢五分

右為末湯浸餗餅為丸如黍米大每服十丸食後津唾嚥下。

補氣湯

治皮膚間有麻木乃肝氣不行故也。

白芍藥 橘皮 不去白已上各一兩五分 炙甘艸 黃芪 已上各一兩 澤瀉 五錢

右咬咀每服一兩水二盞煎至一盞去渣溫服

當歸補血湯

治婦人肌熱躁熱。目赤面紅。煩渴引飲。晝夜不息。其脉洪大而虛。重按全無。內經曰。脉虛血虛。脉實血實。又云。血虛發熱。證象白虎。惟脉不長。實為難也。若誤服白虎湯。必死。此病得之於肌。因勞役。

黃芪 一兩

當歸身 二錢
酒製

右咬咀。都作二服。水二盞。煎至一盞。去粗。稍熱。空心服。

柴胡升麻湯

治男子婦人四肢發熱。肌熱筋骨熱。表熱如火。燎以手捫之。烙人夫熱。四肢者。屬脾土也。熱伏地中。此病多因血虛而得之。又有胃虛。過食冷物。鬱遏陽氣於脾土之中。此藥主之。

升麻

葛根

獨活

羌活

白芍藥

人參 已上各五錢

炙甘草

柴胡 已上各三錢

防風 二錢五分

生甘草 一錢

右咬咀。每服五錢。水二大盞。煎至一盞。去粗。熱服。

忌寒冷之物。

火鬱湯

治五心煩熱。是火鬱於地中。四肢者脾土也。心火下陷於脾土之中。鬱而不得伸。故經云火鬱則發之。

升麻

葛根

柴胡

白芍藥

已上各一兩

防風

甘艸

已上各五錢

右咬咀。每服五錢。水一大盞。入連翹蔥白三寸。煎至一盞。去粗。稍熱。不拘時候服。

小黃丸

化痰涎。和胃氣。除濕。治胃中不利。

黃芩

一兩

半夏

湯浸薑製

白朮

已上各五錢

陳皮

青皮

去白

黃芪

已上各三錢

澤瀉

二錢

乾薑

一錢五分

右為末。湯浸餛餅為丸。如菉豆大。每服五十丸。食遠溫水下。

黃芩利膈丸

除胸中熱。利膈上痰。

生黃芩

炒黃芩

已上各一兩

半夏

黃連

澤瀉

已上各五錢

南星

枳殼

陳皮

已上各三錢

白朮

白礬

五分

右為末。湯浸餛飩餅為丸。如梧桐子大。每服三五十

丸。食遠溫水下。忌酒濕麪。

補益腎肝丸

治目中流火。視物昏花。耳聾耳鳴。困倦乏力。寢汗。惡風。行步不正。兩足軟側。臥而多驚。脚膝無力。腰

以下消瘦

柴胡

羌活

生地黄

苦參

炒

防己

炒已上各五分

附子

已上各一錢

肉桂

已上各一錢

當歸身

三錢

右為細末。熱水為丸。如雞頭仁大。每服五十九。食前溫水下。

太陽經嚏藥

防風

羌活

二分

紅豆

二箇

右為細末。鼻內噴之。

麻黄茱萸湯

治胸中痛頭痛食減少咽嗑不利右寸脉弦急

麻黄

羌活 已上各五分

吴茱萸

黄芪

升麻 已上各三分

黄芩

當歸

黄蘗

藜本 已上各二分

川芎

蔓荆子

柴胡

蒼朮

黄連

半夏 已上各一分

細辛 少許

紅花 少許

右剉如麻豆大都作一服水二盞煎至一盞去粗

稍熱服食後

黄芪湯

治表虛惡風寒

黄芪 五錢

甘草 三錢

香白芷 二錢五分

藜本

升麻 已上各二錢

草豆蔻

橘皮 已上各一錢五分

麻黄

當歸身 已上各一錢

蓮花青皮 七分

柴胡 六分

黄蘗 少許

右咬咀每服五錢水二盞煎至一盞去粗不拘時服

除濕補氣湯

一名清神補氣湯

治兩腿麻木沉重無力多汗喜笑口中涎下身重如山語聲不出右寸脉洪大

升麻

六錢

蒼朮

四錢

酒黃蘗

柴胡

黃芪

已上各三錢

酒知母

藁本

生甘艸

當歸 已上各二錢

五味子

陳皮

已上各一錢五分

右剉如麻豆大每服五錢水二盞煎至一盞去粗空心服之待少時以早飯壓之

參歸湯

補氣血俱不足

黃芪

七分

甘艸

生地黄

已上各五分

柴胡

草豆蔻仁

升麻

已上各四分

當歸身

三分

熟地黄

人參

已上各二分

益智仁

少許

紅花

少許

右剉如麻豆大都作一服水二盞煎至一盞去粗食遠服

升陽湯

治陽蹇癰疾足太陽經寒恐則氣下行宜升陽氣

炙甘草 五錢

麻黃 不去節

防風 已上各八錢

羌活 一兩 五錢

右咬咀每服五錢水二盞煎至一盞去粗稍熱空

心服之

自汗門

自汗論

或問濕之與汗為陰乎為陽乎曰西南坤土也在人則為脾胃也人之汗猶天地之雨也陰滋其濕則為

霧露為雨也陰濕下行地之氣也汗多則亡陽陽去則陰勝也甚為寒中濕勝則音聲如從瓮中出濕若中水也相法家有說土音如居深瓮裏言其壅也遠也不出也以明其濕審矣又知此二者亦為陰寒也內經云氣虛則外寒雖見熱中蒸蒸為汗終傳大寒知始為熱中表虛上陽不任外寒終傳寒中多成痺寒矣色以候天脉以候地形者乃候地之陰陽也故以脉氣候之皆有形無形之可見者也

調衛湯

治濕勝自汗補衛氣虛弱表虛不任風寒。

黃芪

麻黃根已上各一錢

羌活七分

生甘艸

當歸梢

生黃芩

半夏薑製已上各五分

麥門冬

生地黄已上各三分

猪苓二分

蘇木

紅花已上各一分

五味子七箇

右剉如麻豆大都作一服水二盞煎至一盞去粗

稍熱服

中風證必自汗不得重發其汗

清燥湯

黃芩

黃芩

治六月七月間濕令大行子能令母實而熱旺濕

熱相合必刑庚大腸寒涼以救之燥金受濕熱之

邪絕寒水生化之源源絕則腎虧痿厥之病大作

腰已下痿軟癱瘓不能動行步不正兩足欹側此

藥主之

黃芪一錢五分

橘皮

白朮

澤瀉已上各五分

人參

白茯苓

升麻已上各三分

炙甘草

麥門冬

當歸身 生地黄 神麴末

猪苓 已上各二分 柴胡 酒黃蘗

黃連 蒼朮 已上各一分 五味子 九箇

右剉如麻豆大每服五錢水二盞煎至一盞去粗

空心熱服

當歸六黃湯

治盜汗之聖藥也

當歸 生地黄 熟地黄

黃蘗 黃芩 黃連 已上各等分

黃芪 加倍

右為麩末每服五錢水二盞煎至一盞食前服小

兒減半服之

紅豆散

治頭重如山此濕氣在頭也

麻黃根 炒五錢 苦丁香 五分 羌活 炒

連翹 炒已上各三分 紅豆 十箇

右為細末鼻內噴之

活血通經湯

靈壽縣董監軍癸卯冬大雪時因事到真定忽覺有風氣暴至診候得六脉俱弦甚按之洪實有力其證手攣急大便秘澀面赤熱此風寒始至加於身也四肢者脾也以風寒之邪傷之則攣急而攣痺乃風淫末疾而寒在外也內經曰寒則筋攣正謂此也本人素飲酒內有實熱乘於腸胃之間故大便秘澀而面赤熱內則手足陽明受邪外則足太陰脾經受風寒之邪用桂枝甘草以却其寒邪而緩其氣搐又以黃蘗之苦寒滑以瀉實而潤燥

急救腎水用升麻葛根以升陽氣行手足陽明之經不令遏絕更以桂枝辛熱入手陽明之經爲引用潤燥復以芍藥甘草專補脾氣使不受風寒之邪而退木邪專益肺金也加人參以補元氣爲之輔佐加當歸身去裏急而和血潤燥此藥主之

芍藥 五分

升麻

葛根

人參

當歸梢

炙甘草 已上各一錢

酒黃蘗

桂枝 已上各二錢

右剉如麻豆大都作一服水二大盞煎至一盞熱

服不拘時令暖房中近火摩搓其手

瀉榮湯

治癘風滿面連頸極癢不任眉毛脫落先砭其處令惡氣消盡後服此藥

連翹

升麻

已上各六分

桔梗

五分

生黃芩

生地黄

已上各四分

黃芪

蘇木

黃連

地龍

全蠍

當歸

已上各三分

白豆蔻

人參

已上各二分

甘草

一分半

梧桐淚

一分

麝香

少許

桃仁

三箇

蜜蟲

去翅足炒三箇

水蛭

三箇炒令烟盡

右剉如麻豆大除連翹梧桐淚白豆蔻別為細末

麝香蜜蟲水蛭三味同為細末都作一服水二盞

酒一盞入連翹煎至一盞去粗再入白豆蔻二味

并麝香等再煎至七分稍熱早飯後午前服之忌

酒濕麵生冷硬物

人參益氣湯

治兩手指麻木四肢困倦怠惰嗜臥乃熱傷元氣

也。

黃芪 八錢

生甘草

人參 已上各五錢

白芍藥 三錢

柴胡 二錢五分

炙甘草

升麻 已上各二錢

五味子 一百四十箇

右咬咀分作四服每服水二盞煎至一盞去粗稍熱食遠服。

導氣湯

治兩腿麻木沉重

黃芪 八錢

甘草 六錢

青皮 四錢

升麻

柴胡

當歸梢

澤瀉 已上各二錢

橘皮 一錢

紅花 少許

五味子 一百二十箇

右咬咀分作四服每服水二大盞煎至一盞去粗食前熱服

補中湯

治面黃汗多目赤四肢沉重減食腹中時時痛欬嗽兩手寸脉短右手脉弦細兼澀關脉虛

升麻

柴胡

當歸 已上各二分

神麴 三分炒

澤瀉 四分

大麥蘖麴

蒼朮 已上各五分

黃芪 二錢五分

炙甘草 八分

紅花 少許

五味子 二十箇

右咬咀，分作二服，水二盞煎至一盞，去粗食，遠服。

麻黃蒼朮湯

治秋冬每夜五更嗽，連聲不絕，乃至天曉日高，左緩口苦，兩脇下痛，心下痞悶，臥而多驚，筋攣肢節疼痛，痰唾涎沫，日晚神昏，呵欠不進飲食。

麻黃 八錢

蒼朮 五錢

黃芪 一錢五分

草豆蔻 六分

柴胡

羌活 已上各五分

生甘草

當歸梢

防風 已上各四分

炙甘草

黃芩 已上各三分

五味子 九箇

右咬咀，分作二服，水二盞煎至一盞，稍熱，臨臥服。

上清湯

清利頭目，寬快胸膈。

人參

蔓荊子 已上各五分 防風 一錢

葛根 一錢五分

黃芪 三錢

甘草 四錢

右咬咀，分作二服，水二盞煎至一盞，去粗，臨臥熱。

服以夾衣蓋覆不語須臾汗出為效

木桂湯 一名麻黃蒼木湯

治寒濕所客身體沉重胃脘痛面色痿黃

蒼木 二錢 麻黃 炒神麴

橘皮 白茯苓 澤瀉 已上各一錢

桂枝 半夏 草豆蔻仁

猪苓 已上各五分 黃芪 三分 炙甘草 二分

杏仁 十箇

右都作一服水二盞生薑五片煎至一盞去粗食

前熱服

正氣湯

治盜汗

炒黃蘗 炒知母 已上各一錢五分 炙甘草 五分

右為細末作一服水二盞煎至一盞食前溫服

趣痛丸

治打撲閃損腰痛不可忍

白蒿苣子 一兩炒黃 乳香 沒藥 已上各一錢

白粟米 一抄炒黃 烏梅 一箇

右為細末煉蜜為丸如彈子大每服一丸細嚼溫酒空心下。

退熱湯

治表中虛熱或遇夜則甚

黃芪 一錢

柴胡 七分

生甘草

黃連 酒製

黃芩

芍藥

地骨皮

生地黄 去血熱

蒼朮 已上各五分

當歸身

升麻 已上各三分

右咬咀作一服水二盞煎至一盞去粗食遠溫服

如身體力困者加麥門冬五味子 已上各五分 人參 甘

草 已上各一錢

解表升麻湯

治遍身壯熱骨節疼痛

升麻

羌活

蒼朮 已上各一錢

防風 八分

柴胡

甘草 已上各七分

當歸

藁本 已上各五分

橘皮 三分

冬加麻黃 不去節

春加麻黃 去節

右咬咀作一服水二盞煎至一盞去粗温服後以葱醋湯發之得微汗為効

天麻黃芪湯

治表有風證因連日醉飲其證復來右口角并眼頗有側視及左手左脚腿麻木疼痛

天麻

芍藥

神麴炒

羌活

茯苓

人參

黃連

當歸

黃芪

甘草

升麻

葛根

黃蘗

蒼朮

澤瀉

柴胡九分

已上各六分

右咬咀作一服水三盞煎至一盞去粗食遠温服或加猪苓六分

健步丸

治膝中無力伸而不得屈屈而不能伸腰背腿脚沉重行步艱難

防已

羌活

柴胡

滑石

炙甘草

瓜蒌根

酒洗一兩

酒洗已上各四錢

澤瀉 防風已上各三錢 苦參酒洗

川烏已上各一錢 肉桂五分

右為細末酒糊為丸如梧桐子大每服七十丸煎愈風湯下空心服。

白朮除濕湯

治午後發熱背惡風四肢沉困小便或多或少黃色此藥又治汗後發熱

白朮一兩 生地黄炒 地骨皮

澤瀉 知母已上各七錢 赤茯苓

人參 炙甘草 柴胡已上各五錢

右為麤末每服五錢水二盞煎至一盞去粗食遠溫服。

如小便快利減茯苓澤瀉一半

如有刺痛一料藥中加當歸身酒洗七錢

加味四君子湯

治久瘧熱多寒少不止

白朮 白茯苓 人參

甘草 柴胡 薄荷葉

黃芩已上各等分

右吹咀每服五錢水二盞生薑三片棗一枚煎至一盞去粗不拘時候服

瀉血湯

治發熱晝少而夜多太陽經中尤甚晝病則在氣夜病則在血是足太陽膀胱血中浮熱微有氣也既病人大小便如常知邪氣不在臟腑是無裏證也外無惡寒知邪氣不在表也有時而發有時而止知邪氣不在表不在裏知在經絡也夜發多而

晝發少是邪氣下陷之深也此雜證當從熱入血室而論之

生地黄酒洗炒

熟地黄

蒲黃

丹參酒炒

當歸酒洗去土

漢防已酒洗炒

柴胡去芦

甘草梢炙

羌活已上各一兩

桃仁去皮三錢湯浸

右為麤末每服五錢水一盞半煎至一盞去粗空心溫服

洗面藥

治面有黧點或生瘡或生瘰癧及粉刺之類并去皮膚燥癢去垢膩潤澤肌膚

皂角 三斤去皮 好升麻 八兩 楮實子 五兩

白芨 一兩 甘松 七錢 縮砂 連皮

白丁香 臘月 三柰子 已上各五分 菘豆 八合揀淨另搗

糯米 一升

右為細末用之如常

瑩肌如玉散

白丁香 白芨 白牽牛

白欽 已上各一兩 白芷 七錢 當歸梢

白蒺藜 升麻 已上各五錢 白茯苓

楮實子 已上各三錢 麻黃 去節二錢 白附子

連翹 已上各一錢五分 小椒 一錢

右為細末用之如常

面油摩風膏

麻黃 升麻 去黑皮 防風 已上各二錢

羌活 去皮 當歸身 白芨

白檀 已上各一錢

東垣十書 卷六
右用小油半斤。以銀器中熬綿包定。煎藥於油中熬之。得所澄淨。去粗入黃蠟一兩。再熬之。爲度。
小兒門

治驚論

外物驚宜鎮心。以黃連安神丸。若氣動所驚。宜寒水石安神丸。大忌防風丸。治風辛溫之藥。必殺人。何也。辛散浮溫熱者。火也。能令母實。助風之氣。盛皆殺人。也因驚而泄青色。先鎮肝以硃砂之類。勿用寒涼之氣。大禁涼驚丸。風木旺必克脾胃。當先實其土。後瀉

其木。閻孝忠編集錢氏方。以益黃補土。悞矣。其藥有丁香。辛熱助火。火旺土愈虛矣。青橘皮瀉肺。金丁香。辛熱。大瀉肺。與大腸脾實。當瀉于令脾胃虛。反更瀉于。而助火。重虛其土。殺人無疑矣。其風木旺證。右關脈洪。大掌中熱。腹皮熱。豈可以助火瀉金。如寒水來乘脾土。其病嘔吐腹痛瀉痢青白。益黃散聖藥也。令立一方。先瀉火補金。大補其土。是爲神治之法。
黃芪湯

黃芪 二錢

人參 一錢

炙甘草 五分

東垣十書 卷六 三
右改咀作一服水一大盞煎至半盞去粗食違服
加白芍藥尤妙

此三味皆甘溫能補元氣其能瀉火內經云熱淫
于內以甘瀉之以酸收之白芍藥酸寒寒能瀉火
酸味能瀉肝而大補肺金所補得金土之位大旺
火虛風木何由而來尅土然後瀉風之邪

夫益黃散理中丸養神丸之類皆治脾胃寒濕大
盛神品之類也若得脾胃中伏熱火勞役不足之
證及服熱藥巴豆之類胃虛而成慢驚之證用之

必傷人命夫慢驚風者皆由久瀉脾胃虛而生也
錢氏以羌活膏療慢驚風誤矣脾虛者由火邪乘
其土位故曰從後來者爲虛邪火旺能實其木木
旺故來尅土當於心經中以甘溫補土之源更於
脾土中瀉火以甘寒更於脾土中補金以酸涼致
脾土中金旺火衰風木自虛矣損食多進藥愈前
藥是也

益黃散

治胃中風熱

東垣下書 卷六 三

黃芪 二錢

陳皮 去白

人參 已上各一錢

芍藥 七分

生甘草

熟甘草 已上各五分

黃連 少許

右為細末。每服二錢水一盞煎至五分食前服。

升陽益血湯

二月間有一小兒未滿一百日病腹脹二日大便

一度瘦弱身黃色宜升陽氣滋血益血補血利大

便

蠟梢 二分

神麴末

升麻 已上各三分

當歸

厚朴 已上各一錢

桃仁 十箇

右都作一服水一大盞煎至半盞去粗食遠熱服

厚腸丸

治小兒失乳以食飼之未有食腸不能化或生

腹脹四肢瘦弱或痢色無常

厚朴

青皮 已上各二分

橘紅

半夏

蒼朮

人參 已上各三分

枳實

麥蘖麵

神麴末 已上各五分

右為極細末水煮麵糊為丸如麻子大每服二十

東垣下書 卷六 三

丸。溫水送下。食前忌飽食。

補陽湯

時初冬。小兒二歲大寒。證明堂青脉。額上青黑。腦後青絡高起。舌上白滑。喉鳴而喘。大便微青耳尖冷。目中常常淚下。仍多。胸中不利。臥而多驚。無搖則寒。

黃蘗

橘皮

葛根

連翹

蠟梢

炙甘草

升麻

黃芪

柴胡

當歸身

麻黃

吳茱萸

生地黄

地龍

白木

右咬咀。都作一服。水一大盞半。煎至六分。去粗乳食。後熱服。服藥之後。添喜笑。精神出氣和順。乳食旺。

大蕪荑湯

一名梔子茯苓湯

治黃疳。土色為熱。為濕。當小便不利。今反利。知黃色為燥。胃經中大熱。髮黃脫落。知膀胱與腎俱受土邪。乃大濕熱之證。鼻下斷作瘡者。上逆行榮氣。

伏火也。能乳者胃中有熱也。寒則食不入。喜食土者胃不足也。面黑色者為寒。為痺。大便青寒。褐色血黑色。熱畜血中間黃色。腸中有熱。治法當滋榮潤燥。除寒熱致津液。

防風 黃連已上各一分 黃蘗

炙甘草 麻黃不去根 羌活已上各二分

山梔子仁 柴胡 茯苓已上各三分

當歸四分 大蕪荑 白朮已上各五分

右剉如麻豆大。都作一服用。水一大盞。半煎。至六

分。去粗食前稍熱服。

塌氣退黃湯 一名茯苓滲濕湯

治小兒面色痿黃。腹臌脹。食不能下。

白朮 柴胡已上各半分 升麻一分

桂枝 麻黃 吳茱萸

厚朴 羌活 草豆蔻

神麴末 蒼朮 澤瀉

白茯苓 猪苓 黃蘗

橘紅已上各二分 青皮 黃連已上各五分

杏仁 二箇

右都作一服水二大盞煎至一盞去粗食前温服
中滿分消丸

枳實

黃連

去鬚

厚朴

已上各五分

生薑

薑黃

猪苓

已上各一錢

橘皮

甘草

白朮

已上各一錢五分

砂仁

澤瀉

茯苓

已上各三錢

半夏

四錢

黃芩

一兩二錢

右為細末湯浸餛餅為丸如黍米大每服三五十

丸温水下

消痞丸

黃連

五錢

黃芩

二錢

厚朴

七分

薑黃

五分

乾生薑

人參

已上各四分

甘草

三分

枳實

二分

橘皮

一分

右為細末湯浸餛餅為丸如黍米大每服三十九
隨乳下

癩疹論

夫癩疹始出之證必先見面燥腮赤目胞亦赤呵欠

煩悶乍涼乍熱咳嗽噴足稍冷多睡驚並瘡疹之證或生膿胞或生小紅癩或生癰疹此三等不同何故俱顯上證而後乃出蓋以上諸證皆太陽寒水起於右腎之下煎熬左腎足太陽膀胱寒水夾脊逆流上頭下額逆手太陽丙火不得傳導逆於面上故顯是證蓋壬癸寒水尅丙丁熱火故也諸癰證皆從寒水逆流而作也醫者當知此理乃敢用藥夫胞者一名赤宮一名丹田一名命門主男子藏精施化婦人繫胞有孕俱為生化之源非五行也非水亦非火此

天地之異名也象坤土之生萬物也夫人之始生也血海始淨一日二日精勝其血則為男子三日四日五日血脈已旺精不勝血則為女子二物相搏長生先身謂之神又謂之精道釋二門言之本來面目是也其子在腹中十月之間隨母呼吸呼吸者陽氣也而生動作滋益精氣神飢則食母血渴則飲母血兒隨日長皮肉筋骨血脈形氣俱足十月降生口中尚有惡血啼聲一發隨吸而下此惡血復歸命門胞中僻於一隅伏而不發直至因內傷乳食濕熱之氣下

東垣十書 卷六
 流合於腎中。二火交攻。致榮氣不從。逆於肉理。惡血乃發。諸癩疹皆出於膀胱壬水。其瘍後聚肉理歸於陽明。故三番癩始顯之證。皆足太陽壬膀胱尅病小腸。其始出皆見於面。終歸於陽明。肉理熱化為膿者也。二火熾甚。反勝寒水。遍身俱出。此皆出從足太陽傳變中來也。當外發寒邪。便令消散。內瀉二火。不令交攻。其中令濕氣上歸。復其本位。可一二服。立已。仍令小兒以後再無二番癩出之患。此內經之法。覽者詳之。

消毒救苦散

治癩證悉具消化。便令不出。如已出稀者。再不生癩。

- 防風 羌活 麻黃根
- 升麻 生地黄 連翹初出者減出大者加
- 酒黃蘗已上各五分 當歸身 黃連已上各三分
- 川芎 藁本 柴胡
- 葛根 酒黃芩 生黃芩
- 蒼朮已上各二分 細辛 生甘草

白朮

陳皮

蘇木

紅花已上各一分

吳茱萸半分

右剉如麻豆大。每服五錢。水二大盞。煎至一盞。去粗。稍熱空心服。

夫癩疹出者。皆因內傷。必出癩。榮氣逆故也。大禁牽牛巴豆食藥。宜以半夏枳木大黃益智仁之類。去其青瀉。止其吐。若耳尖冷。呵欠睡中驚噫噴眼。澀。知必出癩也。諸大膿泡小水癩疹癰。三色皆榮氣逆。而寒復其表。宜於四味升麻湯中。加當歸身。

連翹此定法也

如肺成膿癩。先嗽喘。或氣高而喘促。加入參少加黃芩。以瀉伏火而補元氣。

如心出小紅癩。必先見噬乾驚悸。身熱肌肉腫。脉弦洪。少加黃連。

如命門出癩疹。必先骨疼身熱。其疼痛不散。動搖少加生地黄。又加黃蘗。諸癩疹皆為陰證。瘡須皆因內傷飲食脾胃不足。榮氣逆行。雖大熱內熾。陰覆其外。治法如前。

辯小兒瘧證

呵欠

噫噴

睡中發驚

或耳尖冷

眼澀

或辯復食

或口醋氣

妳辦不消

或腹中痛

如瘧證少具其瘧未發乃與升麻湯三五錢帶熱服之待身表溫和瘧疹已顯服藥乃止入冬少時如其身涼其瘧未出辯得是瘧證無間服數直候

身表溫和及瘧瘡已顯然後乃止只時時與桔梗湯寬胸膈利咽喉

桔梗湯

如瘧已出只時時與之快咽喉寬利胸膈

桔梗 二錢

甘草 一錢

右為釐末每服三錢水一大盞煎至六分去粗大溫時時服之不可計服數如見傷食證又見瘧證先與不犯大黃巴豆藥剋化過再與升麻湯

如食重傷前藥不能過再與犯大黃巴豆藥過
如大便行當即便與升麻湯服之恐瘧子內陷已
後臨時作罪過

如瘧子已出稠密身表熱急與下頂

黍粘子湯

如瘧子已出稠密身表熱急與此藥服之防後青
乾黑陷

黍粘子

炒香

當歸身

酒洗

炙甘草

已上各一錢

柴胡

連翹

黃芪

與赤芍

黃芩

已上各一錢五分

地骨皮

已上各二錢

右同為庵末每服二錢水一大盞煎至六分去粗
溫服腹空服藥畢日休與乳食

麻黃柴胡升麻湯

治小兒寒鬱而喘喉鳴腹中鳴腹滿鼻流清涕脉
沉急而數

麻黃

草豆蔻仁

益智仁

已上各錢五分

吳茱萸

厚朴

已上各二分

當歸梢

甘草

柴胡

生黃芩

已上各一分

東垣十書 卷六 三

升麻

神麴

蘇木

已上各半分

全蠍

二箇

紅花

少許

右剉如麻豆大分作二服水一大盞煎至七分食遠服忌風寒微有汗則効。

和黃藥用升麻葛根... 益期期空期藥畢日... 式同益氣末每期二... 大盞煎至六分去... 蘭室秘藏卷六終

